

O DEVLIKANO CHIRIKLO

Ekh das hem ekh dasnori isine len tsikne raklore, duy kisave. Lengo dat zhala ando kwri. Khidena peske kashta. Kova..., phagyarla.

Dobre, ama zabelezhindyas ekhe chiriklya byanla are. Ov zhala. Uklela, lela o aro. Gelela les pe dasnyate. I dasni zhala andivin biknela les ekhe dzhuteske. Biknela les leske. Ekh aro – ekhori. Avdies, tasya. O dzhut phenla i dasnyake:

– Ako astarela mange to rom i chiriklya te hav la, ka dav tumen ekh stadi frolya!

Oy geli, phukavdyas leske. Phenla:

– A be, oda phendyas mange: „Ako astarela i chiriklya te hav lakoro ilo, ka dav tumen ekh stadi frolya!“

– E! Ka astarav leske!

Lela, neli twmnosaylo, i chirikli geli te pashlyol, te sovel. Ova astardyas la. Geldyas khere, chhindyas la. Kingili do-trin yavin. Kerdas habe, chi ka avel te hal.

Dobre, ama o chhavore avna katar uchilishte. Lengiri day chhordyas lenge, te na han pash o dzhut, pash o das, de. Hale. Ama o tsikno chhavo..., lesko pelo pes o ilo. Halyas les. Ile but, ama na dzhanla pes kova si o chiriklyakoro. O tsikno raklo halyas les. O dzhut ushtino, gelo peske. Sreshnindyas la, phenla:

– Shun! Ka dav tumen ekh chanta frolya, te chhinena o tsikne chhaves, te hav lesko ilo!

Voyda geli, phukavdyas leske. Phenla:

– O dzhut dela ekh chanta frolya, te chhinas o chhaves. E duyen te chhinas, te hal lengo ilo!

– A-a-a! Ami, ka chhinas!

E chhave avna katar i uchhilishte.

– Ka len filiya maro i nashen katar! Nay te aven tumenge kate, chi tumaro dat ka chhinel tumen!

E, nashte e chhave. Ha katka, ha kutka, te phenas, gele ko Septemvri. Temnosaylo. Ratilo. Nay kate te soon. dikhnaa siyas ekh phuri dasnori othe. Gele, ko udar chukinena.

– Babo, ma! Phutar, chi nay kate te sovas!